

Visoki predstavnik produžio rok iz Odluke o kolektivnim i tranzitnim centrima

Visoki predstavnik Paddy Ashdown u srijedu je donio odluku kojom se za šest mjeseci produžava rok kojim se od domaćih organa vlasti zahtijeva da poduzmu korake kako bi osigurali da se svi kolektivi i tranzitni centri u Bosni i Hercegovini koriste kao alternativni i nužni smještaj.

Učinjen je značajan napredak po pitanju provedbe plana koji je usvojila Državna komisija za izbjeglice i raseljena lica 11. septembra 2002. godine, gdje je napravljen spisak od oko 600 porodica koje još uvijek žive u tranzitnim centrima ili koriste alternativni smještaj i čiji imovinski zahtjevi još uvijek nisu riješeni. Do sada je riješeno preko 60% ovih slučajeva. Odluka visokog predstavnika će se prestati primjenjivati kad se riješe svi preostali slučajevi sa spiska, koji se tiču oko 250 porodica.

Visoki predstavnik je donio ovu odluku kako bi osigurao da niko ne ostane bez adekvatne zaštite u toku provedbe ovog plana.

Ova vrsta smještaja je potrebna kako bi se zbrinuli oni za koje bi, u drugom slučaju, postojao rizik da će ostati bez krova nad glavom kad napuste imovinu za koju je podnesen zahtjev za povrat. U tu svrhu treba iskoristiti što je moguće više objekata, u skladu sa imovinskim zakonima. Kao jedan od najvećih potencijalnih izvora za tu vrstu smještaja, kolektivni centri moraju ostati otvoreni i iskorišteni za alternativni i nužni smještaj, kako bi se osigurala provedba imovinskih zakona po hronološkom redu, u skladu sa zakonom definiranim rokovima, te kako bi se minimizirao rizik da će neko ostati nezbrinut.